

TAKUAPITSHENIKANSHU MISHINAIKAN

Stsheutshimau Ukakusseshima Utapan Meshkkananu kaueuetishutakau (WST) ui tutamut utapan meshkananu, tshetshi itamutakannit uta ut Apepani/Kushpe (Happy Valley/Goose Bay) nete mak tsheitamutakant Nutapineuant (Cartwright) tsheut ashuapekamutakant. Ume utapan meshkanau eukuan ume eshinikatet (Phase III) kaui tutakant ne utapan meshkanau (TLH) eukuan ume tsheut anishkuapitshenikant neme shash ketakuanua utapan meshkanau nete uetimut mamit itetshe (Phase II) ishinikateu mak neme neten uetimut tshiuettint itetshe (Phase I) ishinikateu. Ume Utapan Meshkanau (TLH-Phase III) tshetutakant pitima tshika nantutshissentakau tshekuan eshk eka tshitshepannanut eatiushkatet ne akamississit stshedutshimau mak ne Utuat stsheutshimau (CEAA) kanantutshissentakant assit etakuak tshekuan stsheutshimau mishinaikan tshika apashtakanu. Akamississit stsheutshimau (WST) ntuentamuakanipan tshetshi etitu minu uauitak kie ntuentamuakanipant tshetshi tutakau (EIS) mak (CSR) mishinaikananu tshetshi minu uauitakau nenu utapan meshkananu (TLH-Phase III).

Umenua tshekuanna ntuentamuakanipant tshetshi petishinakau nta EIS/CSR umishinaikanuat:

- Part 1: etishtet ueshkat ne etshitashtet nutepanipan kie apu tut ishpish minu uauitakant ne tshekuan.
- Part 2: etishtet neta EIS/CSR mishinaikant nutapanipan etitu aimun tshetshi minu uauitakant tshekuan kie apu tut miam itishtet ne mishinaikan.
- Ntuentamuakanipant etitu tshetshi minushtakant ne EIS/CSR mishinaikan.

Ume mishinaikan tshika uitshiuenikanu ne aimun kaishi ntuentakant neme aimun kaishi nutepannanut. Uueshtakanipan neme mishinaikan nenua kaishpish nutepant ne aimun kie minushtakanipant ne mishinaikan nta kaka minushtet ueshkat, kie kukuetshimakanipant ntshent utshimaut tshetshi issishueht tshekuannu nenu eshpish nutepannit aimunnu. Eku umenua nashuk kuauitakanui aimunna eukuannua itashinikanipani:

- kueshtetshe tshekaui meshkakanu tshetshi ishitutakant ne utapan meshkanau;
- kueshtetshe tshetshi itamutakant ne utapan meshkanau;
- stsheutshimau mishinaikanna tshetshi nashatakantshi ntuentakanu;
- tshetshitshepannanut utapan meshkanau etutakant;
- eshitakuak nta assit;
- tsheishi matentakuaknta assit;
- tshetshi eka shutshepant tutakanu;
- tsheishi matentakuak mashkutinantshi neme kaui tutakant ueshkat;
- nte nipit et teshkamamutakantshi utapan meshkanau;
- tsheishi nakuutakantshi nenua ashukana nta shipissit;
- tshetshi minutakant nta tsheatussanut mak tsheishi nakatuentakant;
- tsheishi matentakuak nte nutshimit ne utapan meshkanau tutakantshi;
- tsheishi takueimatetshi nenua tsheishi nakatuentakant ne assi;
- tsheishi nakatuentakant ne assit tshekuan etakuak;
- tsheishi nakatuentakantshi nenua uapukuna kie kutaka memataunakuaki uapukuna natautshikau nta ut assit;
- aueshishet;
- nutshimiu nipi eishi takuak;



- akushimesheut mak mittshuat;shishepet kassinu eshinakushiht;
- atiukut;
- upuuau shuniaue aueshishet;
- nimeshet mak nte etat;
- aueshishet tshekat mieshtapinet;
- assit eitashkamikat;
- nipi nutshimit eshpishat;
- missekua;
- assi etapishtakant mak auentshent eiapashtat nenu assinu;
- Akamiuapishkut/Mealy Mountains National Park Kanakatuentakant assi;
- Kauauapatakant mak kametuanut assi; mak
- tsheishi tutakant tshetshi eka shutshepant ne tshekuan.

Nta EIS/CSR mishinaikant neme utinikanu tshetshi itamutakant ne utapan meshkanau nemenu kakusseutshimaut kaissishueht tshetshi itamutakannit. Neme kakusseutshimaut kaissishuet tshetshi itamutakannit umenu utapan meshkananu eukuan neme uiauitakant nta EIS/CSR mishinaikant mak nta VEC mishinaikant, kie tshika uauitakanu nta tan tsheishi matentakuak tsheishi metiokatshipantakant tshei eka meshta matentakuak nte kassinu.

